



本著作以創用CC「姓名標示-非商業性-禁止改作」4.0國際授權條款釋出。
詳細授權條款，請至 <http://creativecommons.org/licenses/by-nc-nd/4.0/>。
資料來源：教育部電子報「閱讀趣聞客語」專欄 <http://epaper.edu.tw>。

閩／景點／☆☆☆★

宜蘭小旅行

宜蘭是一個寶地，是一個文化古城。

今年的清明連假，家已佻朋友規劃一個旅行，去宜蘭行行看看咧，一方面是因為大漢了後無家已去過，一方面是想欲順繼有一個歇喘的機會。頭一工去宜蘭文學館，遐佻臺中的臺灣文學館有淡薄仔相仝，攏是日本式的建築，毋過宜蘭的文學館一間細細間仔，有埕斗，入去愛收門票，學生仔有拍折，內底閣有咧賣點心。另外隔壁是「宜蘭設治紀念館」，館內有真濟較早宜蘭縣的街市圖，猶閣有宜蘭市的變遷歷史。內底的佈置嘛是日本式的，有『tha-thá-mih』，入去參觀免門票毋過愛褪鞋。我上佻意的是外口的裝置藝術，親像都市更新了後留落來的建築遺蹟。

第二工去南方澳的海墘，先去漁港遐的南天宮向金媽祖求平安。遐每一層樓攏有一身真大身的媽祖，一樓的是柴刻的，二樓的是玉仔的，三樓的就是上有名的金媽祖。有真濟人來遮拜拜，求媽祖保庇平安順序。看著遮的漁民就想著討海的生活真艱苦，出去外海攏愛細膩，當然嘛毋是干焦出海愛斟酌，咱隨時攏愛好好仔保護家已。

第三工去羅東林場，以前的「羅東森林鐵道」是連結羅東竹林佻太平山林場的主要路線，嘛叫做「平地鐵道」，是欲共太平山林場的柴，載去竹林。對 1924 年開始運作，到 1979 年結束，這馬已經無咧剉柴矣。所有的建築攏誠有日本味，應該是有經過整理保存落來的，是一種懷舊的園區。阮嘛有去傳藝中心，頂擺去傳藝中心已經是國小的代誌矣。可能是因為放連假，有真濟的家庭攏來遮迫迫。古早味的街仔路、文昌廟、李仔攞，閣有籤仔店，內底有『la-mú-neh』、珠仔檯、尪仔標.....，有真濟細漢的時陣耍的、食的物件，來遮就會當加少年幾若歲！

這逝的宜蘭小旅行看著足濟日本時代的建築，予我對日本建築有真大的興趣。轉來了後，對宜蘭這個所在的歷史佻文化風情有閣較清楚的了解，實在是一逝足充實的小旅行。

作者：Him-gî

☆詞彙學習☆

【埕斗】tiānn-táu：院子。

【拍折】pah-tsiat：打折。降低商品的售價。

【tha-thá-mih】：塌塌米、疊蓆。

【外口】guā-kháu：外面、外頭、外邊。

【海墘】hái-kinn：海邊、海濱、海岸。鄰接海洋邊緣的陸地。

【細膩】sè-jī/suè-lī：做事小心謹慎。

【la-mú-neh】：彈珠汽水。